



MENNTA- OG  
MENNINGARMÁLARÁÐUNEYTIÐ

Sölvhólgötu 4 · 150 Reykjavík  
sími: 545 9500 · bréfsími: 562 3068  
postur@mrm.is · menntamálaráðuneyti.is

Hafnarfjarðarbær  
Guðrún Ásta Guðmundsdóttir, bæjarstjóri  
Strandgötu 6  
220 Hafnarfirði

Reykjavík 11. september 2013  
Tilv.: MMR13090027/6.14.0-

Efni: Tilkynnt um úttekt á fyrirkomulagi og framkvæmd sérfræðipjónustu í sex sveitarfélögum

Í mars 2013 fól mennta- og menningarmálaráðuneytið Capacent Gallup ehf. að gera könnun meðal sveitarstjórna um fyrirkomulag og framkvæmd reglugerðar nr. 584/2010 um sérfræðipjónustu við leik- og grunnskóla og nemendaverndarráð í grunnskólum. Könnunin var liður í þriggja ára áætlun ráðuneytisins um úttektir og kannanir í leik- og grunnskólum á tímabilinu 2013-2015 en einnig hluti af lögboðnu eftirliti mennta- og menningarmálaráðuneytisins skv. 4. og 38. gr. laga nr. 91/2008 um grunnskóla og 3. og 20. gr. laga nr. 90/2008 um leikskóla. Þrátt fyrir endurteknar ítrekanir af hálfu bæði Capacent Gallup og ráðuneytisins svöruðu einungis 59 sveitarfélög af 74 umræddri könnun. Niðurstöður könnunar liggja fyrir og verða birtar á vef ráðuneytisins innan tíðar.

Til þess að fá betri mynd af þjónustunni á vettvangi hefur ráðuneytið ákveðið með vísan til ofangreindra laga og reglugerða og þriggja ára áætlunar mennta- og menningarmálaráðuneytisins um úttektir og kannanir í leik-, grunn- og framhaldsskólum 2013-2015, að gera úttekt á fyrirkomulagi og framkvæmd sérfræðipjónustu í eftirtöldum sex sveitarfélögum: Akureyrarbæ, Fljótaldshéraði, Hafnarfirði, Stykkishólmsbæ, Vesturbyggð og Þingeyjarsveit. Við val á sveitarfélögum var reynt velja sveitarfélög með mismunandi fyrirkomulag á sérfræðipjónustu, s.s. með sérfræðipjónustu á eigin vegum, samstarfi um sérfræðipjónustu eða aðkeyptri þjónustu að mestu leyti.

Markmið með úttektinni er kanna hvernig mismunandi útfærslur reynast við að koma til móts við ákvæði reglugerðar um sérfræðipjónustu sveitarfélaga við leik- og grunnskóla og nemendaverndarráð í grunnskólum frá 2010. Sérstaklega verður skoðað hvernig til hefur tekist í fyrrnefndum sex sveitarfélögum að skipuleggja sérfræðipjónustu sem á að sinna tvíþættu hlutverki þjónustunnar samkvæmt reglugerð nr. 584/2010,

- annars vegar stuðning við nemendur í leik- og grunnskólum og foreldra þeirra og
- hins vegar stuðning við starfsemi skóla og starfsfólk þeirra.

Skoðað verður hvernig til hefur tekist í þessum sveitarfélögum að tryggja fullnægjandi aðgengi að sérfræðipjónustu innan sveitarfélagsins sem og tengsl við sérfræðistofnanir á landsvísu. Leitað verður svara við því hvort staðsetning og stærð sveitarfélaga, mismunandi útfærsla eða skipulag sérfræðipjónustu hafi áhrif á aðgengi og gæði þjónustunnar.

Gagna skal afla með viðtölum við ýmsa aðila hjá sveitarfélögum, s.s. sveitarstjóra, formann skólanefndar, forstöðumann sérfræðipjónustu og aðra sérfræðinga eftir því sem við á; með

Hafnarfjarðarbær	
Dagur:	18. 9. 2013
Íslenzka:	130 9414
Stafur:	221

heimsóknunum í skólaskrifstofur og leik- og grunnskóla eftir þörfum, rýnifundum með foreldrum, kennurum og nemendum, stuttum rafrænum könnunum meðal kennara og foreldra og athugun á fyrirbyggjandi gögnum.

Úttektaraðilar eru Árný Elíasdóttir, Arndís Vilhjálmsdóttir, Svava Bernharð Sigurjónsdóttir og Sveinborg Hafliðadóttir sérfræðingar hjá Attentus ehf. en þær hafa mikla þekkingu og reynslu af vinnu við mat á skólastarfi, þ.m.t. úttektum í leik- og grunnskólum. Þær munu fljótlega hafa samband við yður vegna gagnaöflunar, fyrirkomulags og framkvæmdar verksins.

Ráðuneytið væntir góðs samstarfs við fræðslufirvöld og skóla í Hafnarfirði um úttektina.

Fyrir hönd ráðherra

  
Stefán Baldursson

  
Margrét Harðardóttir

Ljósrit: Leik- og grunnskólar í Hafnarfirði